

բանից և վիճմանց , տեսեալ Յուճնաց թէ անհնարին է շատանալ Հայոց փոքու իւրք , այլ յեցեալ կան 'ի բանս հրովարտակին և 'ի բառն բաժանորդ , յանձն առին լինել հաւասար ընկեր ընդ Հայոց ամենայն իրօք 'ի նոյն տեղի որպէս հրամայեալ էր Արքայի : Յետ այնորիկ սկիզբն արարին յերկաթի արտաքին դրանէ մինչ 'ի գերեզմանն և 'ի շրջապատս նորին եւ յայլ տեղիս , բաժանեցին զամենայն ինչ հաւասարութեամբ , և եկեալ պատմեցին Դատաւորաց թէ կատարեցաւ ամենայն ինչ բաց 'ի պատարագէն , եւ թողին զայն խօսիլ 'ի վերայ այնր յայլում պահու , և մեկնեալ անտի գնաց իւրաքանչիւր ոք 'ի տեղի իւր : Եւ յաւուրն չորեքշաբաթու ըստ առաջին սովորութեան պատարագեցին Հայք 'ի վերայ Գերեզմանին Ս . Աստուածածնի ('ի 19 Նոյեմբերի) եւ զինի Պատարագին կախեցին կանթեղս , ջահս , պատկերս , վարագոյրս և զայլ ամենայն սպասու եկեղեցւոյ հաւասար Յուճնաց թէ յեկեղեցին և թէ 'ի Գերեզմանն , զթիւս և զորքանութիւնս նոցին , տես 'ի պատմութիւնս Դիոնէսիոս վարդապետի ձեռագիր , երես 191 : Իսկ Գերեզմանքն Յովակիմայ և Աննայի ծնողացն Ս . Աստուածածնի , որ էր 'ի միջնատեղի աստիճանաց յարեւելս . անկաւ 'ի բաժնին Յուճնաց , յոր յաւուր տօնի սրբոցն Հայք առնէին նախատօնակ եւ պատարագ հրամանաւ Յուճնաց , այժմ բարձաւ այս սովորութիւն 'ի տշածութենէ Յուճնաց : Եղին պայման աւելածութեան , մի շաբաթ Յոյնք եւ մի Հայք . գնացին դարձեալ Հայք և Յոյնք յատեան Դատաւորին , ուր էին Նուրի Էֆէնտի , Քաղաքապետն եւ այլք , և 'ի լինել բանից վասն պատարագին Հայոց , ասացին Դատաւորք երթալ երկուց ազգաց 'ի միասին խորհիլ և տնօրինել :

Յառանձնանալ գլխաւորաց երկուց կողմանց , Յոյնք ասէին բառնալ և կամ բաժանորդ առնել զուղղաձիգ շրջթայն 'ի հարաւոյ 'ի հիւսիս առաջի դրան գերեզմանի Ս . Աստուածածնի , յորոյ վերայ էին 3 կանթեղք Հայոց , և կամ կախել փոքր շարան տախտակի առաջի խորանին Հայոց . և բառնալ զկամարածեւ շարանն որ առաջի խորանին , եւ կախել 'ի կարգի չորից շարանաց հաւասար Յուճնաց , ընդ այս հաճեցան Հայք : Եւ ասպա բան արկեալ խօսեցան